


## 2021-mi ingerlariaqqiffiusumik ilinniakkat

### 2021-mi 271-inik amerlassusillit ingerlariaqqiffiusumik ilinniarnermik naammassinnissimapput

2021-mi ingerlariaqqiffiusumik ilinniarnermik naammassinnissimasut 271-inik amerlassuseqarput. Taakkunanga 69 pct.-it Kalaallit Nunaanni naammassinnissimapput.

Piffissaq sivisunerusoq isigalugu ingerlariaqqiffiusumik ilinniakkamik naammassisartut amerleriarujussuarput. 2005-imi naammassinnissimasut 101 pct.-imik qaffassimapput.


### Titartagaq 1. 2005-imiit 2021-mut ingerlariaqqiffiusumik ilinniarnermik naammassinnissimasut nuna ilinniartiat malillugu



2005 2006 2007 2008 2009 2010 2011 2012 2013 2014 2015 2016 2017 2018 2019 2020 2021  
Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNISC11D>).

Ingerlariaqqiffiusumik ilinniagallit akornanni amerlanerpaat professions-bacheloritut ilinniagaqarput, ikittuinnaallu kandidatitut ilinniarnissartik qinertarlugu. Ineriartornerulli takutippaa kandidatitut naammassisartut amerlatsikkiartortut. 2021-mi kandidatitut ilinniarsimasut 35-upput, 2005-imut sanilliullugu marloriaammik amerlanerullutik. Kandidatitut ilinni-aqqittartut amerlanerpaat nunani allani ilinniartarput.

## Titartagaq 2. 2005-imiit 2021-mut ingerlariaqqiffiusumik ilinniarnermik naammassinnissimasut ilinniakkap suussusaa malillugu



Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNISC11D>).

### Ilinniartut sisamaagaangata ataaseq nunani allani ilinniartarpoq

2021-mi ilinniartut ingerlariaqqiffiusumik ilinniarnermik ingerlatsisut 1.226-upput. Taakkunangga 910-t Kalaallit Nunaanni ilinniartuupput, 316-illu nunani allani ilinniartuullutik. 2005-imut sanilliullugu ilinniakkamik ingerlatsisut amerlassusaat 2020-mi 80 pct.-imik qaffasinnerupput. Kalaallit Nunaanni ingerlariaqqiffiusumik ilinniakkamik ingerlatsisartut qaffariaataat anertunerpaavoq.

### Kalaallit Nunaanni ingerlariaqqiffiusumik ilinniakkamik aallartitsisartut ikinnerusut

2015-imi ingerlariaqqiffiusumik ilinniakkamik aallartitsisimasut amerlanerpaasimapput, 2021-llu tungaanut 17,5 pct.-imik apparsimavoq. Ukiup ataasip ingerlanerani Kalaallit Nunaanni ingerlariaqqiffiusumik ilinniakkamik aallartitsisimasut amerlassusaat 0,3 pct.-imik qaffariarsimavoq, nunanili allani aallartitsisimasut 18,6 pct.-imik appariarsimallutik.

## Eqikkaaneq

**Tabel 1. 2019-imiit 2021-mut ingerlariaqqiffiusumik ilinniartut, ilinniakkap suussusaa, killiffik kiisalu nuna ilinniarfik malillugit**

	2019		2020		2021	
	Kalaallit Nunaanni	Nunani allani	Kalaallit Nunaanni	Nunani allani	Kalaallit Nunaanni	Nunani allani
<b>Ingerlariaqqiffiusumik ilinniakkat naatsut</b>						
Aallartitsisimasut .....	70	37	65	35	65	32
Ingerlatsisut .....	117	78	108	61	105	49
Naamassinnissimasut .....	36	19	43	29	47	19
<b>Professionsbachelorinngorniarneq</b>						
Aallartitsisimasut .....	132	60	133	55	150	37
Ingerlatsisut .....	446	114	437	114	439	97
Naamassinnissimasut .....	106	23	80	27	97	20
<b>Bachelorinngorniarneq</b>						
Aallartitsisimasut .....	86	50	110	58	96	39
Ingerlatsisut .....	211	113	256	122	260	109
Naamassinnissimasut .....	26	28	30	17	30	23
<b>Kandidatinngorniarneq</b>						
Aallartitsisimasut .....	20	39	27	19	25	28
Ingerlatsisut .....	110	72	110	61	106	61
Naamassinnissimasut .....	8	26	19	21	13	22

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNISC11A>, <https://bank.stat.gl/UDNISC11B>, <https://bank.stat.gl/UDNISC11D>).

## Periaaseq

### Nalunaarsuutit tunngaviusut

Ilinniartitaanermut kisitsisitigut paasissutissani ilinniagaqarnersiuteqartit-sivimmit (USF) nalunaarsuutit tunngavigineqarput. Nalunaarsuuffik ilinniakk-anik ilinniagaqarnersiuteqarfigineqarsinnaasunik taamaallaat imaqarpoq. Kalaallit Nunaanni ilinniakkat qallunaanit ingerlanneqartut nalunaarsuutaat (politiinngorniarneq isertitsivinnilu nakkutilliisunngorniarneq) aammalu suliffeqarfiit namminneq ilinniakkat ingerlataat nalunaarsuutini ilaangillat.

### Periaaseq

Naatsorsueqqissaartarfiup naatsorsuutit atunnginnerini kisitsisit misissoqqis-saarpai, nalilersorlugit aamma suliareqqillugit.

Ilinniarluni ulloq naammassiffik tunngavigalugu ilinniartunut nalunaarsuutit ukiut tamaasa ukiut kingulliit pingasut iluarsineqartarput. Siunissami ilin-niarneq pillugu kisitsisitigut paasissutissat assigiiaarnerunissaat aamma ilin-niartunut nalunaarsuutit kingumoortumik iluarsineqartarnissaat eqqarsaati-galugu taamatut suleriuseqartoqarpoq.

### Naatsorsuineq

Ukiumut ataasiarluni ilinniartitaanermut kisitsisitigut paasissutissat suliarine-qartarput. Ilinniakkamilli ingerlatsisunut ulloq 31/12 naatsorsuutini malinne-qartarpoq.

Ilinniartitaanermut paasissutissani ilinniakkamut ingerlatsineq uuttuutitut atornerqarpoq. Ilinniakkamik ingerlatsinerit amerlassusaat inuillu amerlassusaat assigiinngillat. Assersuutigalugu ukiup ataatsip ingerlanerani ilinniar-toq ilinniakkamik aallartitsisinnaavoq, aallartitaluarnilu unitsillugu ukiullu ingerlanerani ilinniakkamik allamik allartitseqqilluni. Taamaasilluni aallartit-sisimasutut marloriarluni naatsorsuutini ilaassaaq. Ilinniakkanik ingerlat-sinerit inuillu amerlassusaat assigiissinnaapput aatsaat ilinniartunik ingerlat-sisunik naatsorsuinermi.

Ilinniartitaanermut kisitsisit paasissutissaat ilinniakkanik aallartitsisimasunik, ingerlatsisunik naammassinnissimasunillu imaqarput, ilinniakkap qaffasis-susaa, suaassuseq ukiullu malillugit immikkoortiterneqarsimasunik. Kisit-sisillu immikkoortiterneqarput:

- Ilinniakkamik ingerlatsineq, nuna ilinniakkamik ingerlatsivik malillugu
- Kalaallit Nunaanni ilinniakkamik ingerlatsineq, ilinniarfik ilinniagarlu malillugit

Naatsorsueqqissaartarfiup ilinniartitaanermut kisitsisitigut paasissutissiaani UNESCO-p nunat tamalaat akornanni malittarisassaa ISCED2011-mik taa-neqartoq malinneqarpoq. Taassuma saniatigut Naatsorsueqqissaartarfik Ka-laallit Nunaanni ilinniakkat, ilinniakkap qaffasissusaa malillugu, immik-koortiternerat takussutissiaraa. Taaguutit takussutissiarlu [www.stat.gl](http://www.stat.gl)-imi Ilinniartitaanermut tunngasut ataanni nassaarineqarsinnaavoq.

---

Ilisarnaatinut nassuiaatit  
... Paasissutissat pigineqanngillat  
.. Paasissutissat tatiginanngitsut ilisarinnilersitsisinnaasulluunniit  
. Kisitsisitaqarsinnaanngitsut  
0 Affaanit mikinerusut  
- Nul  
\* Kisitsisaagallartut imaluunniit missingersuut

Saaffiginniffissaq  
Samo Nielsen  
E-mail: [snie@stat.gl](mailto:snie@stat.gl)  
Ilinniartitaaneq

Naatsorsueqqissaartarfik  
Postboks 1025 · 3900 Nuuk  
Oqar.: +299 34 57 70 · Fax: +299 34 57 90  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)

